

1.2 miyon subsidio pa Scol di Musica Rufo Wever



ORANJESTAD – Diamars ultimo Fundacion Scol Di Musica Rufo Wever a ricibi su decreto pa 1.2 miyon florin di subsidio.

Esaki ta den cuadro di e maneho nobo di subsidio cu a keda implementa e aña aki. Minister di Financia Angel Bermudez conhuntamente cu Minister di Cultura, Otmar Oduber a firma e decreto.

Esaki ta informacion for di un relato di gobierno.

Minister Bermudez ta bisa cu

e ta satisfecho cu e trabounan di 'Coördinatiebureau Overheidssubsidie' (CBOS), cu ta e oficina encarga cu e maneho nobo pa cu subsidio gubernamental. E mandatario ta splica cu e maneho aki a keda implementa pa asina structura miho e proceso di subsidio na un forma standarisada y uniforme tanto pa Gobierno como pa e instancianan subsidia.

"E maneho di subsidio cu nos ta trahando cu ne den actualidad ta fiha riba 'output'.



Esaki ta haci cu cada fundacion por maneha e placa cu nan ta ricibi cu mas flexibilidad, semper y cuando nan cumpli cu e metanan di e ministerio concerni." Na mes momento e mandatario a confirma tambe cu den e dianan venidero lo tin mas fundacion cu tambe lo ricibi nan decreto.

Entrante 1 di januari 2016, a keda institui e

oficina di 'Coördinatiebureau Overheidssubsidie' (CBOS) cu ta encarga pa duna conseho y sosten na e ministerionan, e directivanan di maneho y e instancianan en cuanto e subsidionan di Gobierno. CBOS tambe ta responsabel pa (co)-desaroya, inicia, stipula, controla y evalua financiamiento di criterio cu ta dirigi riba 'output'. □